



2009 ЙИЛ ТУРЛИ МИЛЛАТГА МАНСУБ ИММИГРАНТЛАР ВИЗАСИ ДАСТУРИ (DV-2009) ЙЎРИҚНОМАСИ

Конгресс қарори билан жорий этилган “Турли миллатларга мансуб иммигрантлар виза дастури –DV” ҳар йили Давлат Департаменти томонидан бошқарилади ва Иммиграция ва фуқаролик Кодексининг (ИФК) 203(с) -бўлимига асосан амалга оширилади. 1990 йилда қабул қилинган “Иммиграция Актининг” 131-бўлими (101-649 Нашр) тузатиш киритилган ИФК 203 “турли миллатларга мансуб иммигрантлар” деб аталувчи иммигрантлар синфини жорий этди. ИФКнинг 203(с)-бўлими, Америка Қўшма Штатларига иммиграция кўрсаткичи паст бўлган давлатлардан бўлган шахсларга ҳар солиқ йилида энг кўпи билан 55000гача DV визаларини тақдим этади.

Ҳар йилги DV дастури оддий, лекин қатъий талабларга мос бўлган шахслар учун доимий истиқомат визаларини олишга имкон беради. Компьютерлаштирилган тасодифий лотерея танлови орқали турли миллатларга мансуб иммигрантлар визалари учун номзодлар аниқланади. Визалар иммигрантлик кам бўлган минтақаларга кўпроқ ва сўнги беш йилда АҚШга 50000дан ортиқ иммигрантлар жўнатган мамлакатларга эса умуман берилмаслик шарти билан олти жўғрофий минтақалар орасида тақсимланади. Ҳар бир минтақадаги ҳеч қайси бир давлатга бир йил ичида DV визаларининг етти фоизидан ортиғи берилмайди.

Қуйидаги давлатлар¹ ҳудудида тугилган шахслар DV-2009да иштирок этишлари мумкин **ЭМАС**, чунки бу давлатлар сўнги беш йил давомида АҚШга умумий сони 50000дан ортиқ иммигрант жўнатишган:

БРАЗИЛИЯ, КАНАДА, ХИТОЙ (материкда туғилганлар), КОЛУМБИЯ, ДОМИНИКАНА РЕСПУБЛИКАСИ, ЭКВАДОР, ЭЛЬ-САЛЬВАДОР, ГВАТЕМАЛА, ГАИТИ, ҲИНДИСТОН, ЯМАЙКА, МЕКСИКА, ПОКИСТОН, ФИЛИППИН, ПЕРУ, ПОЛЬША, РОССИЯ, ЖАНУБИЙ КОРЕЯ, БУЮК БРИТАНИЯ (Шимолий Ирландиядан ташқари) ва унга қарам ҳудудлар, ва ВЬЕТНАМ. Сянган (Гонконг), Аоминь (Макао) махсус маъмурий округи ва Тайвань фуқаролари иштирок этишлари мумкин.

Давлат Департаменти DV-2005дан бошлаб турли миллатларга мансуб иммигрантлар учун визалар жараёнининг самарадорлиги ва хавфсизлигини ошириш мақсадида электрон рўйхатга олиш тизимини йўлга қўйди. Департамент, ноқонуний иммигрантлик мақсадида фирибгарлик қилганлар ёки кўп сонли ариза берганларни аниқлаш учун махсус технология ва бошқа воситаларни қўллайди.

DV ВИЗАСИ УЧУН РЎЙХАТДАН ЎТИШ ДАВРИ

DV 2009 турли миллатларга мансуб иммигрантлар учун визалар лотереясига аризалар электрон шаклда Шарқий Кун Вақти (EDT) (GMT-4) билан 2007йил 3-октябрь куни соат 12:00 дан бошлаб, Шарқий Стандарт Вақт (EST) (GMT-5) бўйича 2007-йил 2-декабрь якшанба куни соат 12:00 гача топширилиши керак. Иштирокчилар турли миллатларга мансуб иммигрантлар учун виза аризасини рўйхатга олиниш вақти давомида www.dvlottery.state.gov веб-саҳифасида топишлари мумкин. Аризалар қоғоз нусхада қабул қилинмайди. Иштирокчиларга рўйхатга олиниш даврининг сўнги ҳафтасигача кутиб ўтирмаслик маслаҳат берилади. Юқори талаб веб-саҳифа иши тўхтовларига олиб келиши мумкин. EST бўйича 2007 йил 2-декабр куни соат 12:00дан сўнг ҳеч қандай ариза қабул қилинмайди.

¹ “Давлат” сўзи мазкур изоҳда 13-бетда муайян санаб ўтилган мамлакат, иқтисодиёт ва бошқа юрисдикцияларни ўз ичига олади.

ИШТИРОК УЧУН ТАЛАБЛАР

- DV лотереясида қатнашиш учун сиз руйхати берилган давлатлардан бирининг худудида тугилган бўлишингиз керак. Минтақалар бўйлаб худудларида тугилган шахслар катнашиши мумкин булган давлатлар руйхатини кўринг
- Худудида тугилган шахслар талабларга мувофиқ бўлган давлатда тугилганлар: Кўп ҳолатларда бу сизнинг тугилган давлатингизни англатади. Аммо, талабларга жавоб беришнинг икки бошқа ҳолати мавжуд. Биринчиси, агар сиз аҳолиси талабларга номувофиқ давлатда тугилган бўлсангиз, лекин сизнинг турмуш ўртоғингиз маҳаллий аҳолиси катнашиш талабига мувофиқ давлатда тугилган бўлса, сиз ўз турмуш ўртоғингизнинг тугилган юртига тегишлиликни даъво қилишингиз мумкин, бунда сиз ва сизнинг турмуш ўртоғингиз тўлдирилган аризада бирга бўлиб, биргаликда виза олиб, бир вақтда АҚШга кириш шarti куйилади. Иккинчиси, агар сиз маҳаллий аҳолиси дастурда катнашиш талабига номувофиқ давлатда тугилган бўлсангиз, лекин сизнинг ота-онангиз у ерда тугилмаган бўлса ёки сизнинг туғилиш вақтингизда у ерда қонуний истиқомат қилувчи мақомида булмаган булса сиз ота-онангиздан бирининг тугилган давлатига, агар унинг маҳаллий аҳолиси DV-2009 дастурини қониқтирувчи давлат бўлса, тегишлиликни даъво қилишингиз мумкин.
- Лотерея иштирокчиси бўлиш учун, сиз DV дастурнинг таълим ёки иш тажрибаси юзасидаги талабини қониқтиришингиз зарур.

Таълим ёки иш тажрибаси: Сиз ўрта ЁКИ унга тенглаштирилиб, 12 йиллик бошланғич ва ўрта таълимни муваффақиятли тамомлаш деб белгиланувчи таълимга; ЁКИ сўнгги беш йил ичида энг камида икки йиллик тайёрлов ёки тажриба талаб қилувчи фаолиятда икки йиллик иш тажрибага эга бўлишингиз керак. Мувофиқ меҳнат малакасини аниқлаш учун АҚШ Меҳнат Департаментининг [O*Net OnLine](#) маълумотлар базаси қўлланилади. Мувофиқ меҳнат малакаси хусусида қўшимча маълумот учун Тез-тез сўраб туриладиган саволлар #13 га қаранг.

Агар сиз мазкур талабларни қондира олмасангиз, сиз DV дастурига ариза ТОПШИРМАСЛИГИНГИЗ керак.

DV-2009 ГА АРИЗА ТОПШИРИШ ТАРТИБИ

- Давлат Департаменти фақат тўлдирилган ва руйхатга олиш даврида электрон шаклда www.dvlottery.state.gov га топширилган электрон турли миллатга мансуб иммигрантлар учун виза аризаларини қабул қилади.
- Ким топширилганлигидан қатъий назар, агар шахс учун БИТТАДАН ортиқ ариза топширилган бўлса, мазкур шахснинг барча аризалари бекор қилинади. Сиз аризангизни ўзингиз тайёрлаб, топширишингиз ёки бошқалар сиз учун топшириши мумкин.
- Ариза муваффақиятли руйхатдан ўтказилганда экранда сизнинг исмингиз, тугилган санангиз, тегишли давлат ва сана/вақт тамғасидан иборат бўлган тасдиқлов саҳифаси пайдо бўлади. Сиз мазкур тасдиқ саҳифасини ўзингиз учун веб-браузерингизнинг “чоп этиш” функциясидан фойдаланиб, принтердан чиқариб олишингиз мумкин.
- Аризалар қоғоз шаклда қабул қилинмайди.
- Агар барча талаб қилинган суратлар топширилмаса, сизнинг аризангиз бекор қилинади. Қуйидаги шахсларнинг яқинда олинган суратлари электрон шаклда турли миллатларга мансуб иммигрантлар учун виза электрон аризаси билан топширилиши шарт:
- Сиз
- сизнинг турмуш ўртоғингиз
- 21 ёшга етмаган ва турмуш қурмаган барча фарзандларингиз, жумладан барча туғилган фарзандлар ҳамда қонуний асранди ва ўғай фарзандлар, ҳатто фарзанд сиз билан истиқомат қилмаса ҳам ёки сиз фарзандингизнинг сиз билан бирга DV дастури бўйича кучиб кетиши ниятингиз булмаса ҳам.

Аллақачон АҚШ фуқароси ёки қонуний доимий резиденти бўлган фарзандингиз учун фотосурат топширишингиз талаб қилинмайди.

Гуруҳ ёки оилавий расмлар қабул қилинмайди; ҳар бир оила аъзоси учун алоҳида фото сурат бўлиши даркор. **Турмуш ўртоғингиз ва ҳар бир фарзанд учун талаб қилинаётган фото суратларни топширмаслик Э-DV тизимида аризангиз тугалланмаган булиб қолишига сабаб бўлади. Ариза қабул қилинмайди ва қайта топширилиши зарур. Ҳар бир шахсга тегишли бўлган хақиқий суратларни Э-DV тизимига тўғри киргизмаслик асосий номзоднинг четлатилиши ва виза суҳбати давомида барча визалар рад этилишига олиб келади.**

- Сизнинг, турмуш ўртоғингиз ва ҳар бир фарзандингизнинг рақамли фото сурати (тасвири) Э-DV аризаси билан бирга он-лайн режимда топширилиши керак. Тасвир файли янги рақамли сурат олиш ёки тайёр фотосуратни рақамли сканерден ўтказиш орқали яратилиши мумкин.
- Суратлар эски ёки ўзгартирилган бўлса ёки қуйидаги тавсифланган талабларга мос бўлмаса, аризалар бекор қилиниб, виза рад этилиши мумкин.

Рақамли фотосурат (тасвир) топшириш учун курсатмалар

Тасвир файли қуйидаги тузилиш жиҳатлари ва техникавий жиҳатларга мувофиқ бўлиши ва қуйидаги икки услубдан бири орқали яратилиши мумкин.

- Янги рақамли фотосурат олиш
- Топширилаётган суратни рақамли сканердан ўтказиш.

Тузилиш жиҳатлари: Топширилган рақамли сурат қуйидаги тузилиш жиҳатларига мувофиқ бўлиши зарур, акс ҳолда ариза бекор қилинади.

- **Бошнинг ҳолати**
- Суратга олинган шахс тўғри фотоаппаратга юзланиб туриши лозим.
- Шахснинг боши юқорига, пастга ёки ён томонга бурилмаган бўлиши керак.
- Шахснинг боши сурат юзасининг тахминан 50 фоизини қоплаб туриши зарур.

Фон

- Суратга олинаётган шахс холис оч рангли фон олдида туриши зарур.
- Тук рангли ёки гулдор фон қабул қилинмайди

Фокус

- Сурат марказлашган (фокусда) бўлиши зарур.

Безаклар

- Суратга олинган шахс қора кўзойнак ёки чалгитувчи бошқа жисмлар тақиб тушган фотосуратлар қабул қилинмайди.

Рўмол ва бош кийимлар

- Рўмол ёки бош кийимдаги шахсларнинг фотосуратлари, агар бу диний эътиқодга боғлиқ бўлиб, ва шунда ҳам иштирокчи юзининг ҳеч қайси қисмини бекитиб турмаган бўлсагина қабул қилинади,
- Қабилага хос ёки диний хусусиятга эга бўлмаган бошқа бош кийимлардаги фотосуратлар қабул қилинмайди.
- Ҳарбий, авиалиния ва бошқа хизматчиларнинг бош кийимдаги суратлари қабул қилинмайди.

Фото тузилиши

24-бит ранг интенсивлигида туширилган рангли расмлар оқ-қора ёки кул-ранг гаммаларда туширилган 24-бит ранг интенсивлигидаги расмлардан кўра **маъқулроқдир**. Фото суратлар фотоаппаратдан компьютердаги файлга кўчирилиши ёки компьютердаги файлга сканер орқали ёзилиши мумкин. Сканердан фойдаланётган бўлсангиз, хоссалар True Color ёки 24-bit ранг режимда бўлиши керак. Рангли ёки оқ-қора (кулранг) фото суратлар, DV дастур талабларига кўра айнан шу хоссалар билан сканердан ўтказилиши керак. 24-бит интенсивлигидаги рангда сканердан ўтказилган оқ-қора ва кулранг суратлар учун фақат учта ранг ёки сурат хусусиятлари қўлланилади ва натижалар барибир қора, оқ ва кулранг бўлади. Марҳамат, қуйидаги қушимча сканердан ўтказиш талабларини кураинг.

Техник жиҳатлар: Топширилган рақамли фотосурат қуйидаги жиҳатларга мувофиқ бўлиши лозим, акс

ҳолда тизим электрон DV аризасини автоматик тарзда рад этади ва жўнатувчига хабар беради.

Янги рақамли сурат олинishi. Олинган янги рақамли сурат қуйидаги талабларга жавоб бериши зарур:

- Суратдаги файл формати: сурат JPEG форматида бўлиши зарур.
- Сурат файлининг ҳажми: суратнинг файл ҳажми 62500(олтмиш икки минг беш юз) байтдан ошмаслиги зарур
- Сурат равшанлиги: баландликда 320 пиксель ва кенгликда 240 пиксель
- Сурат ранги туйинганлиги: 24бит ранг {Эслатма: рангли фотосуратлар маъқул кўрилади, лекин оқ-қора ёки кулранг фотосуратлар қўлланилаётган бўлса, улар 24бит рангли режимда сканердан ўтказилиши зарур. Монохром фотосуратлар (ранг туйинганлиги 2 бит), 8бит рангли ёки 8 бит кулранг гаммадаги суратлар қабул қилинмайди.}

Топширилувчи фотосуратни сканердан ўтказиш. Фотосурат сканердан ўтказилишидан аввал қуйидаги талабларга жавоб бериши зарур:

- Сурат ҳажми: квадрат шаклида икки дюймга икки дюйм (50x50мм)
- Сурат ранги: DV дастури учун рангли сурат афзал кўрилади. Лекин оқ-қора ёки кулранг гаммадаги сурат фақат 24 бит хоссали режимда қўлланилиши мумкин.

Фотосурат шунингдек тузилиш талабларига мувофиқ бўлиши зарур. Агар фотосурат сурат ҳажми, ранги ва тузилиши талабларига мос бўлса, қуйидаги сканер хоссалари билан суратни сканердан ўтказинг.

- Сканер равшанлиги: бир дюймга 150(dpi) нуқта рашанликда сканердан утказилган.
- Суратдаги файл формати: сурат JPEG форматида бўлиши зарур.
- Сурат файлининг ҳажми: суратнинг ҳажми олтмиш икки минг беш юз (62500) байтдан ошмаслиги зарур.
- Сурат равшанлиги: 300x300 пиксель
- Сурат ранги туйинганлиги: 24бит ранг {Эслатма: рангли фотосуратлар маъқул кўрилади, лекин оқ-қора ёки кулранг фотосуратлар қўлланилаётган бўлса, улар 24бит рангли режимда сканердан ўтказилиши зарур. Монохром фотосуратлар (ранг туйинганлиги 2 бит), 8бит рангли ёки 8 бит кулранг гаммадаги суратлар қабул қилинмайди.}

АРИЗА

DV-2009 лотереясида катнашишнинг фақатгина бир йўли мавжуд. Сиз фақатгина www.dvlottery.state.gov веб сайтида мавжуд бўлган DV визаси учун электрон шаклдаги аризани (Э-ДВ) топширишингиз зарур. Ариза формасини бутунлай тўлдиролмаслик унинг бекор қилинишига олиб келади. Э-DV аризасини топширганлардан Э-DV ариза формасига қуйидаги маълумотларни киритишлари сўралади.

1. **ТЎЛИҚ ИСМ** – Фамилия, исм, шариф
2. **ТУҒИЛГАН САНА** – кун, ой, йил
3. **ЖИНС** – эркак ёки аёл
4. **СИЗ ТУҒИЛГАН ШАҲАР**
5. **СИЗ ТУҒИЛГАН ДАВЛАТ** – Давлат номи ҳозирги пайтда сиз туғилган жойга нисбатан қўлланилидиган ном булиши даркор.
6. **DV ДАСТУР УЧУН ДАВЛАТ МУВОФИҚЛИГИ ЁКИ ТЕГИШЛИЛИГИ** – Давлатингизнинг мувофиқлиги одатда сизнинг туғилган юртингиз билан бир хил бўлади. Сизнинг давлатингиз мувофиқлиги сизнинг каерда яшашингизга боғлиқ эмас. Агар сиз ДВ дастурида катнашишга ҳақли давлатда туғилмаган булсангиз, давлат тегишлилиги буйича курсатмаларни куздан кечиринг ва у ердан давлат тегишлилиги буйича сиз учун бирор имкониятлар мавжуд ёки мавжуд эмаслигини текшириб кўринг. Давлат

тегишлилиги буйича кушимча маълумотлар учун Тез-тез Сураладиган Саволлар №1 ни укиб куринг.

7. **АРИЗА УЧУН ФОТОСУРАТ(ЛАР)** - Қаранг: фотосуратлар учун техник мезонлар. Тегишли ҳолатларда, турмуш ўртоғингиз ва барча фарзандларингизнинг фото суратларини киритинг. Қаранг: тез-тез сўралувчи савол № 11.
8. **ПОЧТА МАНЗИЛИ** – Кимга, Манзил 1-сатр, Манзил 2-сатр, Шаҳар, Туман/Вилоят/Давлат, Почта индекси, Мамлакат
9. **СИЗ БУГУН ЯШАЁТГАН МАМЛАКАТ**
10. **ТЕЛЕФОН РАҚАМИ (ихтиёрий)**
11. **ЭЛЕКТРОН ПОЧТА МАНЗИЛИ (ихтиёрий)**
12. **ШУ КУНГА ҚАДАР ТАЪЛИМ СОҲАСИДА ЭРИШГАН ЭНГ ЮҚОРИ БОСҚИЧИНГИЗ?** Сиз эришган энг юқори таълим даражангизни куйидагилардан кайси **бири** намойиш қилишини белгиланг: (1) фақат бошланғич таълим (2) тўлиқсиз ўрта таълим, (3) тўлиқ ўрта таълим (4) касбий/ўрта махсус таълим (5) нотўлиқ олий маълумот (6) бакалавр (7) тугалланмаган магистратура (8) магистр (9) докторантура даражасида курслар (10) фан доктори
13. **ОИЛАВИЙ ҲОЛАТ** – Турмуш қурмаган, турмуш қурган, ажрашган, бева, қонунийлаштирилган алоҳида яшаш.
14. **БОЛАЛАР СОНИ:** Аризаларга турмуш ўртоғингиз, шунингдек турмуш қурмаган ва 21 ёшдан кичик барча фарзандларингиз, жумладан ўз фарзандларингиз, қонуний асраб олган ва ўғай болаларингизнинг исми, туғилган санаси ва туғилган жойини, ҳатто қонуний жиҳатдан боланинг отаси (онаси) билан турмушда бўлмасангиз ва сизнинг турмуш ўртоғингиз ёки болангиз сиз билан бирга яшамаётган бўлса ва/ёки сиз билан бирга кўчиб кетмоқчи бўлмаса ҳам киритинг (АҚШ фуқароси ёки қонуний доимий резиденти булган фарзандларни киритманг). Турмуш қурган ва 21 ёш ёки ундан катта фарзандлар турли миллатларга мансуб иммигрантлар учун визада иштирок этиши мумкин эмаслигини унутманг. **Талабларга жавоб берувчи барча фарзандларни аризада кўрсатмаслик асосий аризачининг четлатилиши ва виза учун суҳбат вақтида барча визаларга рад жавоб берилишига сабаб бўлади.** Тез-тез сураладиган савол №11 ни куринг.
15. **ТУРМУШ ЎРТОҒИНГИЗ ҲАҚИДА МАЪЛУМОТ** – Исм, туғилган сана, жинс, туғилган шаҳар/жой, туғилган давлат, фотосурат. **Турмуш ўртоғингизни аризада кўрсатмаслик асосий номзоднинг четлатилиши ва виза учун суҳбат вақтида барча визаларга рад жавоб берилишига сабаб бўлади.**
16. **БОЛАЛАР ҲАҚИДА МАЪЛУМОТ** – исм, туғилган кун, жинс, туғилган шаҳар/жой, туғилган давлат, фотосурат. Юқоридаги #14-саволга кўра барча болаларингизни киритинг.

ИШТИРОКЧИЛАРНИНГ САРАЛАНИШИ

Компьютер барча мувофиқ аризалар орасидан тасодифий танлов орқали ғолибларни танлаб олади. Улар почта орқали 2008 йил май ва июль ойлари орасида хабардор қилиниб, АҚШга иммиграцияга оид тўловлар ҳақида маълумотларни ўз ичига олувчи йўриқномалар билан таъминланади. **Тасодифий танлов орқали танланганлар электрон почта орқали огоҳлантирилмайди. ТАНЛАНМАГАН шахслар ҳеч қандай хабарнома ОЛМАЙДИ.** АҚШ элчихоналари ва консулликлари ғолиб иштирокчилар рўйхатини бера олмайди. Ғолиб иштирокчиларнинг турмуш ўртоқлари ва 21 ёшдан кичик турмуш қурмаган болалари асосий аризачи билан бирга жўнаш ёки ортидан бориш мақсадида ҳам визалар учун мурожаат қилишлари мумкин. DV-2009 визалари 2008 йил 1-октябрдан то 2009 йил 30-сентябргача берилади.

АҚШга иммиграция мақсадида Турли миллатларга мансуб иммигрантлар визасини олиш учун тасодифий танлов орқали танлаб олинганлар АҚШ қонунчилиги буйича БАРЧА мувофиқлик талабларига жавоб беришлари керак. Аризаларнинг куриб чиқилиши ва турли миллатларга мансуб

иммигрантлар учун визаларининг голиб иштирокчилар ва уларнинг талабларга мувофиқ оила аъзоларига берилиши 2009 йил 30-сентябрь 24:00 га қадар амалга оширилиши ШАРТ. Мазкур кундан сўнг ҳар қандай ҳолатда ҳам Турли миллатларга мансуб иммигрантлар учун визалар берилмайди ёки ўзгартиришлар маъқулланмайди; шу билан бирга, мазкур вақтдан сўнг оила аъзолари ҳам узлари рўйхатдан утган аризадаги асосий иштирокчига қўшилиш учун турли миллатларга мансуб иммигрантлар учун визаларни ололмайдилар.

МУҲИМ ИЗОҲ

Йиллик DV дастурнинг электрон лотереяси аризаси учун ҳеч қандай ҳақ олинмайди. АҚШ Ҳукумати DV дастурини бошқариш ва уни амалга ошириш учун ташқаридан ҳеч қандай маслаҳатчи ва хусусий ташкилотларни ёлламайди. DV аризаларини тайёрлашда ёрдамни таклиф қилувчи ҳар қандай воситачилар ёки бошқалар буни АҚШ ҳукуматининг ваколатисиз ёки розилигисиз қилишади. DV аризасини тайёрлашда ташқи воситачиларни ёки ёрдамни қўллаш бутунлай иштирокчининг ихтиёрида.

Бевосита иштирокчи томонидан электрон кўринишда топширилган талабга мувофиқ ариза билан иштирокчининг аризасини ҳақ эвазига тўлдирувчи воситачи киритган электрон аризанинг Кентукки Консуллик Марказидаги компьютернинг танлаши олдидан имконияти баробар. Лотереяга рўйхатдан ўтиш даври давомида қабул қилиб олинган ҳар бир аризанинг ўз минтақасида тасодифий танлов орқали танланиш имконияти тенг. Лекин бир киши учун биттадан ортиқ ариза олиниши аризанинг манбаидан қатъий назар шахсни рўйхатдан четлатади.

ТЕЗ-ТЕЗ СЎРАЛАДИГАН САВОЛЛАР

1. “МУВОФИҚЛИК”, “ХУДУДИДА ТУГИЛГАН” ВА “ТЕГИШЛИЛИК” ИБОРАЛАРИ НИМАНИ АНГЛАТАДИ? МУВОФИҚ ДАВЛАТДА ТУГИЛМАГАН ШАХС АРИЗА БЕРИШИ МУМКИН БЎЛГАН ҲОЛАТЛАР БОРМИ?

Давлатингизнинг **мувофиқлиги** одатда туғилган давлатингиз билан бир хил бўлади. Давлатингиз мувофиқлиги қаерда яшашингиз билан боғлиқ эмас. **Худудида туғилган шахс** ибораси одатда кимнингдир бирор давлатда туғилганини англатади ва мазкур шахснинг ҳозир яшаётган давлати ва фуқаролигининг аҳамияти йўқ. Иммиграция масалаларида эса, Иммиграция ва фуқаролик ҳақида Қонун 202(б) бўлимига кўра “худудида туғилган” атамаси маълум бир шахс туғилган давлатдан ташқари у “тегишли” бўлган давлатни ҳам назарда тутиши мумкин.

Масалан, агар сиз мазкур йилдаги DV дастурига мувофиқ бўлмаган давлатда туғилган бўлсангиз, сиз турмуш ўртоғингиз туғилган давлатга **тегишлиликни** даъво қилишингиз мумкин, лекин сизнинг турмуш ўртоғингиз DV-2 олишга мувофиқ бўлмагунга қадар сиз DV-1 олмайсиз ва шу билан бирга, сиз турмуш ўртоғингиз билан бирга визаларни олгандан сўнг Америка Қўшма Штатларига бир вақтда киришингиз керак. Шу тарзда балоғатга етмаган фарзанд ота-она туғилган давлатга “тегишлилик” даъво қилиши мумкин.

Ва ниҳоят, агар сиз мазкур йилдаги DV дастурига мувофиқ бўлмаган давлатда туғилган бўлсангиз, фақат ота-онангизнинг бирортаси ҳам туғилишингиз пайтида номувофиқ давлатда истиқомат қилувчи мақомида булмаганлиги шарт билан сиз ота-онангиздан бирининг туғилган давлатига “тегишли” бўлишингиз мумкин. Умуман, агар одамлар маълум давлатда туғилмаган ёки қонуний фуқаро бўлмай туриб бу давлатга шунчаки келган, вақтинчалик ўқиш учун ёки ташкилот, давлат номидан мутахассислик ёки бизнес сабаблари туфайли яшаб турган бўлса давлат қонуний истиқомат қилувчиси ҳисобланмайди.

Агар сиз бошқа давлатга **тегишлиликка** даъво қилсангиз, **сиз** мазкур маълумотни Э-DV электрон он-лайн аризасининг 6-саволида кўрсатиб ўтишингиз **даркор**. Илтимос, огоҳ бўлинг, берилаётган **мувофиқлик** ёки **тегишлилик** давлати нотўғри бўлса (асосланган даъво қилиб бўлмайдиган), бу сизнинг аризангизнинг бекор қилинишига олиб келиши мумкин.

2. МАЗКУР ЙИЛ ТУРЛИ МИЛЛАТЛАРГА МАНСУБ ИММИГРАНТЛАР УЧУН ВИЗАЛАР УЧУН РЎЙХАТГА ОЛИШ ЖАРАЁНИДАГИ МУРОЖААТ ТАРТИБИДА БИРОР ЎЗГАРИШ ЁКИ ЯНГИ ТАЛАБЛАР БОРМИ?

Барча DV-2009 лотерея аризалари электрон кўринишда www.dvlottery.state.gov га рўйхатга олиш даврида топширилиши керак. Қоғоз кўринишидаги аризалар қабул қилинмайди.

Қўшимча маълумот йиғиш учун DV-2009га бир неча саволлар ва жавобларга вариантлар қўшилган.

Бугунги кунда яшаётган давлатингиз?

Шу кунга қадар таълим соҳасида эришган энг юқори даражангиз? Энг юқори даражангизни кўрсатувчи ўнта босқичдан бирини танлашингиз керак: (1)Бошланғич мактаб, (2) тўлиқсиз ўрта таълим (3) тўлиқ ўрта таълим (4) касб-таълим (5) тўлиқсиз олий (6) бакалавр (7) тугалланмаган магистратура (8) Магистратура (9) тугалланмаган аспирантура, ва (10) фан доктори

Аввалги DV дастурларда “Оилавий аҳволингиз қандай?” саволига вариант сифатида келтирилган “никоҳда алоҳида яшаш” иборасининг ўрнини “**қонунийлаштирилган алоҳида яшаш**” ибораси эгаллаган.

Қонунийлаштирилган алоҳида яшаш атамаси суд, сиз турмуш ўртоғингиздан алоҳида яшашингиз қонуний белгиланганини англатади. Қонунийлаштирилган алоҳида яшаш сизнинг турмуш ўртоғингиз сизнинг яқин қариндошингиз сифатида бирга иммиграцияга ҳақли эмаслигини англатади.

3. ИМЗО ВА РАСМЛАР ҲАР БИР ОИЛА АЪЗОСИДАН ТАЛАБ ҚИЛИНАДИМИ ЁКИ ФАҚАТ ИШТИРОКЧИНИНГ ЎЗИДАНМИ?

Электрон Турли миллатларга мансуб иммигрантлар учун виза аризасида имзолар талаб қилинмайди. Сиз, турмуш ўртоғингиз ва 21 ёшдан кичик барча болаларингизнинг яқинда олинган шахсий фотосуратлари талаб қилинади. Оила ёки гуруҳ фото суратлари қабул қилинмайди. Фотосуратларга талаблар хусусида мазкур бюллетеннинг 2-бетидаги маълумотга қаранг.

4. НЕГА БАЪЗИ ДАВЛАТЛАРДА ТУҒИЛГАН ШАХСЛАР ТУРЛИ МИЛЛАТЛАРГА МАНСУБ ИММИГРАНТЛАР УЧУН ВИЗАЛАР ДАСТУРИГА МУВОФИҚ ЭМАС?

Турли миллатларга мансуб иммигрантлар учун визалар АҚШга кўп сонли иммигрантлар жўнатувчи мамлакатлардан бошқа давлатлардан бўлган шахсларга иммиграция имкониятини беришга қаратилган. Қонунда белгиланишича, туғилган давлатларидан “кўп қабул қилинган” шахсларга турли миллатларга мансуб иммигрантлар учун визалар берилмайди. Қонунда белгиланишича, бу давлатлар сирасига худудидан оилавий ва меҳнат виза тоифаларида АҚШга сўнгги беш йил давомида жами 50000 та одам кўчиб келган мамлакатлар киради. Ҳар йили USCIS худудидан туғилган шахслар турли миллатларга мансуб иммигрантлар виза лотереяси учун номувофиқ давлатларни аниқлаш учун сўнгги беш йил ичидаги оилавий ва меҳнат иммигрантлари сонини кўшиб, ҳисоблаб чиқади. Ҳар йилги Э-DV аризалари вақтидан олдин алоҳида қарор қабул қилинганлиги сабабли худудидан туғилган шахслар мувофиқ бўлмаган давлатлар рўйхати йилдан-йилга ўзгариб туради.

5. DV-2009 УЧУН ВИЗАЛАР ЧЕКЛОВИ РАКАМЛАРДА КАНДАЙ ИФОДАЛАНАДИ?

Қонунга кўра АҚШнинг турли миллатларга мансуб иммигрантлар дастури мувофиқ инсонлар учун энг кўпи 55000 та доимий резидентлик визаларини ажратади. Бироқ, 1997 йил Конгресс томонидан қабул қилинган “Никарагуани қайта тиклаш ва Марказий Америкага ёрдам тугрисида” ги Қонунга (NACARA) кўра DV-1999 бошланишидан ва зарурият мавжудлигигача ҳар йили ажратилувчи 55000 турли миллатларга мансуб иммигрантлар учун визалардан 5000 тагачаси NACARA дастури остида фойдаланилиши қарор қилинди. Визалар сонини камайтириш амалда DV-2000 дан бошланди ва бу ҳолат DV-2009 да ҳам сақланиб қолиши эҳтимолга яқин.

6. DV-2009 УЧУН АЖРАТИЛГАН ТУРЛИ МИЛЛАТЛАРГА МАНСУБ ИММИГРАНТЛАР УЧУН ВИЗАЛАРНИНГ МИНТАҚАЛАР БЎЙИЧА КВОТАЛАРИ ҚАНЧА?

Иммиграция ва фуқаролик Актининг (INA) 203(с)-бўлимида белгиланган формуладан фойдаланиб, АҚШ Фуқаролик ва иммигрантлик хизматлари (USCIS) ҳар йил учун DVнинг минтақавий чекловларини аниқлайди.

USCIS ўз ҳисоб-китобларини тугаллаши билан минтақалар бўйича визалар чекловлари эълон қилинади.

7. DV-2009 ДАСТУРИ УЧУН АРИЗАЛАРИ ҚАЧОН ҚАБУЛ ҚИЛИНАДИ?

DV-2009 аризаларини қабул қилиш рўйхатга олиш даврида амалга оширилади. Ҳар йили миллионлаб одамлар рўйхатга олиш даври давомида дастурда қатнашишади. Аризаларнинг кўплиги муваффақиятли шахсларни танлаш ва қабул қилиш жараёнида жуда катта ҳажмдаги ишни юзага келтиради. Аризалар қабул даврини октябрь, ноябрь ва декабрь ойлари давомида олиб бориш, танлаб олинганларни ўз вақтида огоҳлантиришни ва виза иштирокчилари ҳамда бизнинг элчихона ва консулликларимиз виза бериш тартибини тугаллаши учун етарли вақтга эга булишларини таъминлайди. Барвақт рўйхатдан ўтишингизни маслаҳат берамиз. Рўйхатга олиш даврининг сўнггида ҳаддан ташқари талаб тизимни секинлатиб қўйиши мумкин. 2007 йил 2-декабрь якшанба куни EST бўйича 12:00 дан сўнг ҳеч қандай аризалар қабул қилинмайди.

8. АҚШДАГИ ШАХСЛАР ҲАМ ДАСТУРДА ИШТИРОК ЭТИШИ МУМКИНМИ?

Ҳа, аризачи АҚШ ёки бошқа давлатда бўлиши мумкин ва ариза АҚШ ёки чет элдан ҳам топширилиши мумкин.

9. ЙИЛЛИК Э-DV РЎЙХАТГА ОЛИШ ДАВРИДА ҲАР БИР ИШТИРОКЧИ ФАҚАТ БИТТА АРИЗА ТЎЛДИРИШГА ҲАҚЛИМИ?

Ҳа, қонун бўйича ҳар рўйхатга олиш даврида бир шахс учун фақат битта аризага рухсат берилган. **Номидан биттадан ортиқ ариза топширилган шахслар дастурдан четлаштирилади.** Давлат Департаменти рўйхатга олиш даври мобайнида бирдан ортиқ аризалар топширилган шахсларни аниқлаш учун мураккаб технология ва бошқа воситаларни қўллайди. Бирдан ортиқ аризалар топширилган шахслар дастурдан четлатилиб, Давлат Департаментида электрон маълумот доимий равишда сақлаб қўйилади. Одамлар ҳар йили мунтазам рўйхатга олиш даврида иштирок этишлари мумкин.

10. ЭР ВА ХОТИН АЛОҲИДА АРИЗА ТОПШИРИШИ МУМКИНМИ?

Ҳа, агар эр билан хотиннинг ҳар бири мувофиқлик талабларини қондира олса, алоҳида ариза топшириши мумкин. Агар бири танланса, иккинчиси яқин қариндош сифатида утиш ҳуқуқи булади.

11. Э-DV АРИЗАМГА ОИЛА АЪЗОЛАРИМНИНГ ҚАЙСИЛАРИНИ КИРИТИШИМ КЕРАК?

Аризангизга турмуш ўртоғингизни, яъни эр ёки рафиқа, ҳамда 21 ёшга етмаган ва турмуш қурмаган барча фарзандларингизни (АҚШ фуқароси ёки қонуний доимий резиденти бўлганларидан ташқари) киритишингиз зарур. Сиз ҳатто ҳозирги пайтда турмуш ўртоғингиздан алоҳида яшаётган бўлсангиз ҳам уни аризангизга киритишингиз зарур (агар алоҳида яшашларингиз суд томонидан тан олинган ёки суд буйругига асосланган бўлмаса). Агар сиз қонуний жиҳатдан алоҳида яшаётган ёки ажрашган бўлсангиз, собиқ турмуш ўртоғингизни аризага киритмайсиз. **Турмуш қурмаган ва 21 ёшдан кичик** туғилган фарзандларингиз, турмуш ўртоғингизнинг фарзандлари, ёки давлатингизнинг қонунларига мувофиқ равишда расмий асраб олган **БАРЧА фарзандларингизни киритишингиз шарт**, бироқ АҚШ фуқароси ёки қонуний доимий резиденти бўлган фарзандларингиз бундан мустаснодир. **Ҳатто 21 ёшдан кичик болаларингиз сиз билан бирга яшамаса ёки уларнинг DV дастур бўйича иммиграция қилишини кўзламасангиз ҳам уларни аризага киритинг.**

Аризангизга оила аъзоларингизни киритганингиз уларнинг кейин сиз билан бирга иммиграция қилиши мажбурий эканлигини билдирмайди. Улар қолишга қарор қилишлари ҳам мумкин. Бироқ, агар сиз қарамоғингиздаги оила аъзосини дастлабки аризангизга киритмай туриб, виза олиш анкетасига киритсангиз, сизнинг аризаларингиз бекор қилинади. Бу ҳолат фақат дастлабки ариза топширилган вақтдаги оила аъзоларига тегишли бўлиб, кейин қўшилганларга тааллуқли эмасдир. Сизнинг турмуш ўртоғингиз сизнинг аризангизга киритилганига қарамасдан алоҳида аризасини топшириши мумкин ва шу билан бирга иккала ариза ҳам оилангиз қарамоғидаги барча оила аъзолар ҳақида маълумотларни ўз ичига олган бўлиши керак. Юқоридаги савол #10 га қаранг.

12. ҲАР БИР ШАХС ЎЗИНИНГ АРИЗАСИНИ ШАХСАН ЎЗИ ТОПШИРИШИ ШАРТМИ, ЁКИ КИМДИР БОШҚА ШАХС НОМИДАН ИШ ОЛИБ БОРИШИ МУМКИНМИ?

Одамлар аризаларини ўзлари тайёрлаб топширишлари, ёки кимгадир топширтиришлари мумкин. Аризани бевосита шахс томонидан топширилиши, ёки юрист, дўст, қариндош ва бошқалар томонидан ёрдам берилишидан қатъий назар, бир шахс номидан фақатгина битта ариза топширилиши мумкин бўлиб, ва фақатгина шу шахснинг узи аризасидаги маълумотнинг тўғри ва тўлиқлигига жавобгар бўлиб қолади. Агар аризаси танланган бўлса, билдиришнома хати **фақат** аризада кўрсатилган манзилга юборилади.

13. ТАЪЛИМ ЁКИ ИШ МАЛАКАСИГА ҚАНДАЙ ТАЛАБЛАР ҚЎЙИЛАДИ?

Қонун ва меъерий ҳужжатлар талабига кўра ҳар бир иштирокчи энг камида ўрта ёки унга тенглаштирилган таълимга, ёки сўнгги беш йилда икки йиллик малака ёки таълим талаб қилувчи ишда икки йиллик тажрибага эга бўлиши керак. “Ўрта ёки унга тенглаштирилган таълим” тушунчаси, Америка Қўшма Штатларида бошланғич ва ўрта таълимдан иборат ўн икки йиллик ўқишни муваффақиятли ниҳоялаш ёки бошқа давлатда Қўшма Штатлардаги ўрта таълимга тенг расмий бошланғич ва ўрта таълимни муваффақиятли тамомлашни билдиради. Таълим ёки иш тажрибасининг ҳужжатлаштирилган далили виза учун суҳбат вақтида консуллик ходимига кўрсатилиши керак. Меҳнат малакасининг мувофиқлигини аниқлаш учун Меҳнат Департаментининг [O*Net OnLine](#) маълумотлар базасидан фойдаланилади.

Қайси касблар турли миллатларга мансуб иммигрантлар учун визалар дастурига мос келади?

Меҳнат Департаментининг (МД) [O*Net Online Database](#) маълумотлар базасидаги меҳнат малакаси гуруҳлари бешта “иш соҳаларига” бўлинади. МД веб саҳифасида кўплаб касблар санаб ўтилганига қарамасдан, фақатгина бир неча касблар турли миллатларга мансуб иммигрантлар учун визалар дастури талабини қондиради. Меҳнат малакангизга асосланиб, турли миллатларга мансуб иммигрантлар учун визага мувофиқ бўлиш учун сиз **Махсус Касбий Тайёргарлик (SVP) доирасида 7.0 ёки ундан юқори гуруҳга киритилган Иш Соҳаси 4 ёки 5 деб белгиланган ишда** икки йиллик малакага эга бўлишингиз керак.

Меҳнат Департаментининг веб-сайтидан Мувофиқ Касбларни қандай қилиб топаман?

DV га мувофиқ касблар Меҳнат Департаментининг [O*Net Online Database](#) маълумотлар базасида кўрсатилган. Касбингизнинг мувофиқлигини билиш учун қуйидаги тартибда иш тутинг: “Find Occupations” (Касбларни топиш) га кириб, у ерда махсус бўлим “Job Family” (касбий соҳа) ни танланг. Масалан, «Architecture and Engineering» (Архитектура ва Муҳандислик) ни танлаб “GO”ни (Қидирув) босинг. Сунгра, аниқ бир Касбни танланг. Юқоридагига мисолга ўхшаш, «Aerospace Engineering» (Аэрокосмос муҳандислиги) ни танланг. Махсус касб бўлимини танлаганингиздан сўнг, махсус Иш Зонасининг рақами ва Махсус Касбий Тайёргарлик (SVP)даги рейтинг баҳоланишини билиш учун “Иш Зона”сини танланг.

14. МУВАФФАҚИЯТЛИ ИШТИРОКЧИЛАР ҚАНДАЙ ҚИЛИБ ТАНЛАБ ОЛИНАДИ?

Кентукки Консуллик Марказида ҳар бир минтақадан қабул қилиб олинган аризалар алоҳида рақамланади. Рўйхатга олиш даври тугагандан сўнг, компьютер ҳар бир географик минтақа бўйича қабул қилиб олинган аризаларини тасожибий танлаш йўли билан саралаб олади. Ҳар бир минтақа ичида биринчи танлаб олинган ариза рўйхатдан ўтган биринчи иш бўлиб, иккинчиси эса иккинчи бўлиб рўйхатдан ўтган ҳисобланади ва ҳ.к. Рўйхатга олиш даврида қабул қилинган барча аризаларнинг ўз минтақаси ичида танлаб олинмиш имконияти тенг. Ариза танлаб олинганда, Кентукки Консуллик Маркази иштирокчига виза аризасига йўриқномалар билан билдиришнома хатини жўнатади. Кентукки Консуллик Маркази, то визага ариза берувчи бўлиб танланганлар АҚШ консуллигига виза учун суҳбатга келишлари хусусида йўл-йўриқ олмагунгача ёки Америка Қўшма Штатлардаги мавқеини ўзгартиришга мувофиқ бўлганлар маҳаллий USCIS муассасасига мурожаат қилмагунларига қадар ишни олиб боришда давом этаверади.

Муҳим эслатма: Потереяда танланганларга билдиришномалар электрон почта орқали жўнатилмайди. Э-DV танлови хусусида электрон почта орқали билдиришнома олсангиз, мазкур хабарнинг қонуний эмаслигидан огоҳ бўлинг.

15. ТАНЛАНГАНЛАР ЎЗ МАВҚЕЛАРИНИ USCIS ОРҚАЛИ ЎЗГАРТИРИШЛАРИ МУМКИНМИ?

Ҳа, агар улар мавқеларини INA 245-бўлими шартларига кўра ўзгартиришлари мумкин булса, жисмонан Қўшма Штатларда бўлган танлаб олинган шахслар, ўз ҳолатини доимий резидентга ўзгартириш учун USCIS га мурожаат қилишлари мумкин. **Ариза берувчилар USCIS 2009 йил 30-сентябргача ўз ишлари,**

жумладан хориждаги яқин қариндошлари бўйича жараёнларни тугата олишини таъминлаши шарт, чунки мазкур кунда DV-2009 дастури учун рўйхатга олиш тугайди. Ҳеч қандай ҳолатда ҳам 2009 йил 30-сентябрь 24:00 дан сўнг DV-2009 дастури учун ҳеч қандай виза рақамлари берилмайди.

16. ТАНЛАНМАГАН ИШТИРОКЧИЛАР ОГОҲЛАНТИРИЛАДИМИ?

Йўқ, танланмаган иштирокчилар ўз аризаларига ҳеч қандай жавоб олишмайди. Фақатгина танланганларгина хабардор қилинади. Барча билдиришнома хатлари, ариза жараёни тугашидан сўнг беш ва етти ой орасида аризада кўрсатилган манзилга жўнатилади. Танланмаганларга ҳеч қандай билдиришнома берилмаганлиги сабабли, рўйхатга олиш даври тугашидан сўнги беш - етти ой ичида хат олмаганлар, ўз аризаларининг танланмаганлиги хусусида хулоса чиқаришлари мумкин.

17. НЕЧА НАФАР КАТНАШЧИЛАР САРАЛАБ ОЛИНАДИ?

DV-2009 учун 50000 та DV виза ажратилган, бироқ сараланадиганлар сони бундан ортиқ бўлади. Чунки биринчи танланган 50000 та одамнинг баъзилари виза талабларига жавоб бермасликлари ёки ишларини виза олиш даражасигача давом эттира олмасликлари эҳтимоли мавжуд. Шу сабабли, барча DV визалари ишлатилишини таъминлаш учун Кентукки Консуллик Маркази 50000 дан ортиқроқ аризаларни танлаб олади. Аммо, бу ҳолат дастлабки танланганлар учун визалар етмай қолиши мумкинлигини ҳам англатади. Барча танланган иштирокчилар рўйхатдаги ўз ўринлари хусусида тезлик билан хабардор қилинади. DV-2009 дастури учун суҳбатлар 2008-йил октябрдан бошланади. Кентукки Консуллик Маркази танланган иштирокчиларга хорижда жойлашган АҚШ консулликлари ходимлари билан белгиланган суҳбатдан 4-6 ҳафта олдин учрашув хатларини жўнатади. Ҳар ойда уша вақтда виза олишга тайёр иштирокчилар учун, визалар мавжуд миқдори йул куйса, визалар берилади. Барча 50000 та DV визалари берилиб бўлингач, шу йилги дастур ниҳоясига етади. Амалда, визалар 2009-йил сентябрдан олдин тарқатилиб бўлиши ҳам мумкин. Виза олишни ҳоҳловчи танланганлар тез ҳаракат қилишга тайёр бўлишлари керак. **Кентукки Консуллик Марказидаги компьютернинг тасодифий танлов орқали саралаб олиши сизга автоматик равишда виза олишингизга кафолат бермайди.**

18. Э-DV ДАСТУРИДА ИШТИРОК ЭТУВЧИЛАР УЧУН МИНИМУМ ЁШ ЧЕГАРАСИ МАВЖУДМИ?

Дастурда иштирок этиш учун минимум ёш чегара талаби йўқ, бироқ ҳар бир иштирокчи учун ариза қабул қилиш вақтида қўйилган ўрта таълим ёки иш малакасига эга бўлиш талаби 18 ёшдан кичик бўлган кўпчилик шахсларни самарали четлатади.

19. Э-DV ДАСТУР УЧУН ТЎЛОВЛАР УНДИРИЛАДИМИ?

Электрон аризани топшириш учун ҳеч қандай тўлов ундирилмайди. DV иштирокчилари, виза аризасини топшириш жараёнидагина виза тўловларини бевосита элчихона ёки консулликдаги консуллик ғазначисига тўлаши зарур. Зарур турли миллатларга мансуб иммигрантлар визаси ва иммиграцион виза аризаси тўловлари ҳақида тафсилотлар Кентукки Консуллик Маркази танланган иштирокчиларга жўнатган йўриқномалари ичида бўлади.

20. DV АРИЗАЧИЛАРИ ВИЗА УЧУН НОМУВОФИҚЛИК МЕЗОНЛАРИДАН ОЗОД ҚИЛИНАДИМИ ЁКИ ОЗОД ҚИЛИНИШ АРИЗАЛАРИ АЛОҲИДА КЎРИБ ЧИҚИЛАДИМИ?

Йўқ. Аризачилар “Иммигрантлик ва фуқаролик ҳақидаги” Қонунда белгиланган иммигрантлик визалари учун барча мезонларга жавоб бериши зарур. Қонундан белгиланганидан ташқари виза талабига номувофиқликдан озод қилиш ёки озод қилиниш ҳақида аризаларни алоҳида кўриб чиқишга оид махсус моддалар йўқ.

21. БОШҚА ТОИФАДАГИ ИММИГРАНТЛИК ВИЗАСИ УЧУН РЎЙХАТИДАН ЎТГАН ШАХСЛАР DV ДАСТУРДА ИШТИРОК ЭТИШЛАРИ МУМКИНМИ?

Ҳа, бундай шахслар DV дастурида иштирок этишлари мумкин.

22. ТАНЛАНГАН АРИЗАЧИЛАР ҚАНДАЙ МУДДАТ ДАВОМИДА DV ТОИФАСИДАГИ ВИЗА УЧУН АРИЗА БЕРИШГА ҲАКЛИ?

DV-2009 лотереясида танланган шахслар виза берилиши учун фақат 2009 солиқ йили давомида, яъни 2008 йил 1 октябридан 2009 йил 30 сентябригача мурожаат қилиши мумкин. **Аризачилар молиявий йилнинг охиригача DV-визаси олиши ёки мавқеини ўзгартириши зарур.** Танланган лекин 2009 солиқ йилида виза олмаган шахсларнинг DV ҳуқуқлари кейинги йилга ўтказилмайди. Бундан ташқари, DV-2009 рўйхати орқали оила аъзолари визаларини олувчи турмуш ўртоқлар ва болалар DV тоифасидаги визаларни фақат 2008 йил октябрь ва 2009 йил сентябрь ойлари орасида олиши мумкин. Хорижда ариза берган аризачилар белгиланган консулликка ташриф кунидан тўрт ҳафтадан олти ҳафтагача олдин муддат орасида Кентукки Консуллик Марказидан ташриф кунини ҳақида хат олишади.

23. АГАР Э-DV ДА ТАНЛАНГАН ШАХС ВАФОТ ЭТСА, DV ИШИГА НИМА БЎЛАДИ?

Лотереяда танланган шахснинг вафоти DV ишининг автоматик равишда бекор қилинишига олиб келади. Ҳеч қайси мувофиқ турмуш ўртоқ ва/ёки болаларга мазкур иш бўйича DV визаси берилмайди.

24. ҚАЧОН ОН-ЛАЙН Э-DV ДАН ФОЙДАЛАНИШГА ИМКОН БЎЛАДИ?

Он-лайн аризадан 2007 йил 3-октябрь Шаркий Кун Вақти (GMT-4) бўйича 12:00 дан бошлаб 2007 йил 2-декабр Шаркий Стандарт Вақт (GMT-5) бўйича 12:00 гача бўлган рўйхатга олиш даври давомида фойдаланиш мумкин бўлади.

25. МЕН Э-DV АРИЗАСИНИ КЎЧИРИБ, MICROSOFT WORD ФОРМАТИДА (ЁКИ БОШҚА МОС ДАСТУР) САҚЛАБ ҚЎЙИШИМ ВА КЕЙИН ТЎЛДИРИШИМ МУМКИНМИ?

Йўқ, сиз формани бошқа дастурда сақлаб қўйиб, кейин тўлдириб, топширишингизнинг имкони йўқ. Э-DV ариза формаси веб шаклида холос. Бу анкетанинг бировнинг интеллектуал мулки булган матн редакторларига чекламасдан, ишлатилишида енгиллик тугдиради. Бундан ташқари унда ахборот он-лайн режимида киритилиши ва топширилиши талаб қилинади.

26. АГАР МЕНДА СКАНЕРДАН ФОЙДАЛАНИШ ИЛОЖИ ЙЎҚ БЎЛСА, МЕН ФОТОСУРАТЛАРНИ АҚШДАГИ ҚАРИНДОШИМГА ЖЎНАТИБ, СКАНЕРДАН ЎТКАЗТИРИБ, ДИСКЕТАГА ЁЗДИРИБ ВА МЕНГА ПОЧТА ОРҚАЛИ ЖЎНАТГАНИДАН СЎНГ ТОПШИРСАМ БЎЛАДИМИ?

Ҳа, фотосурат йўриқномадаги талабларга жавоб берса ва Э-DV аризаси билан бир вақтда электрон шаклда топширилса, бунга йўл қўйилади. Аризачилар фотосуратни аввалдан сканердан ўтказиб куйиб, сўнг унинг файлини он-лайн режимида анкета билан топширишлари лозим. Фотосуратни он-лайн аризадан алоҳида топшириш мумкин эмас. Ҳар бир киши томонидан ёки унинг номидан фақат битта он-лайн ариза топширилиши мумкин. Биттадан ортиқ топширишлар мазкур кишини DV-2009да иштироқдан четлатади. Бутун ариза (фотосурат ва анкета биргаликда) АҚШ ёки хориждан электрон тарзда топширилиши мумкин.

27. МЕН АНКЕТАНИ ОН-ЛАЙН РЕЖИМДА САҚЛАБ ҚЎЙИШИМ, БИР КИСМИНИ ТУЛДИРИБ ВА КЕЧРОҚ КАЙТИБ КЕЛИБ, ҚОЛГАНИНИ ТЎЛДИРИШИМ МУМКИНМИ?

Йўқ, бунга йўл қўйилмайди. Э-DV аризаси шундай тузилганки, у бирданига тўлдирилиши ва топширилиши зарур. Лекин ариза икки қисмдан иборатлиги ва тармоқда узилишлар ва кечикишлар бўлиши сабабли, Э-DV тизими аризани кўчириб олиш ва он-лайн топширилгандан сўнг Э-DV веб-сайтида қабул қилиниши орасида олтмиш (60) дақиқагача вақт беради. Агар олтмиш дақиқадан кўпроқ вақт ўтса, ариза электрон шаклда олинмаса, олинган маълумотлар ўчириб ташланади. Бундай қилинишининг сабаби тўлиқ ариза тасодифан аввалги ярим тула аризанинг дубликати деб талқин қилинишига йўл куймасликдир. Масалан, турмуш ўртоғи ва фарзанди бор аризачи Э-DV аризасининг тўлдирилган биринчи қисмини жўнатади ва аризанинг иккинчи қисмини олади, лекин иккинчи қисмини жўнатишда боланинг сурати мавжуд файлни топа олмай, кечикиб қолади. Агар тўлдирилган иккинчи қисм олтмиш(60) дақиқа давомида аризачи томонидан жўнатилиб, Э-DV тизими томонидан олинса, муаммо йўқ. Лекин аризанинг иккинчи қисми олтмиш (60) дақиқа ўтгандан кейин олинса, аризачи бутун аризани бошидан бошлаши лозимлиги ҳақида хабар олади. DV-2009 йўриқномасида аризага қандай маълумот киритилиши зарурлиги аниқ ва тўлиқ тушунтирилган. Шу тарзда сиз он-лайн режимида аризани тўлдиришни бошлашингиздан аввал ўзингизга зарур барча маълумотларни олганингизга ишонч ҳосил қилиб, тўлиқ тайёрланиб олишингиз мумкин.

28. АГАР ТОПШИРИЛГАН РАҚАМЛИ СУРАТЛАР ТАЛАБЛАРГА ЖАВОБ БЕРМАСА, ЎРНАТИЛГАН ТАРТИБГА КЎРА ТИЗИМ Э-DV АРИЗА ФОРМАСИНИ АВТОМАТИК ТАРЗДА РАД ЭТАДИ ВА

ЖЎНАТУВЧИНИ ОГОҲЛАНТИРАДИ. БУ МЕН ЎЗ АРИЗАМНИ КАЙТА ТОПШИРА ОЛИШИМНИ БИЛДИРАДИМИ?

Ҳа, ариза қайта топширилиши мумкин. Ариза автоматик тарзда рад этилганлиги у Э-DV веб-сайтига қабул қилинган деб ҳисобланмаслигини билдиради. У топширилган Э-DV аризаси деб ҳисобланмайди ва қабул қилинганини тасдиқловчи хабар ҳам жўнатибмайди. Агар жўнатибган рақамли фотосурат билан муаммолар туғилса, у талабларга жавоб бермаганлиги сабабли Э-DV веб-сайти томонидан автоматик тарзда рад этилади. Лекин рад хабари жўнатувчига етиш вақтини Интернет хусусиятларига кўра олдиндан айтиш қийин. Агар жўнатувчи муаммони ҳал қила олса ва олтмиш (60) дақиқа давомида аризининг биринчи ёки иккинчи қисми қайта жўнатиб, муаммо йўқ. Акс ҳолда топшириш жараёнини қайтадан бошлаш зарур. Аризачи то тўлиқ ариза қабул қилиб олиниб, тасдиқ хабари жўнатибгунча қадар, неча марта зарур бўлса шунча марта ариза топширишга уринавериши мумкин.

29. ТўЛДИРИЛГАН Э-DV ФОРМАСИ ОН-ЛАЙН ТИЗИМИ ОРҚАЛИ ҚАБУЛ ҚИЛИБ ОЛИНГАНЛИГИ ҲАҚИДА ЭЛЕКТРОН ТАСДИҚ ХАБАРИ ТОПШИРИЛГАНДАН СЎНГ ДАРҲОЛ ЕТИБ БОРАДИМИ?

Мувофиқ Э-DV аризаси қабул қилинганини тасдиқловчи Э-DV веб-сайтининг жавоби дарҳол жўнатилади. Лекин жавоб хабари жўнатувчига етиш вақтини Интернет хусусиятлари туфайли олдиндан айтиш қийин. Агар "Submit (топшириш)" тугмасини босгандан сўнг кўп вақт ўтган бўлса Submit тугмасини яна бир бор босишнинг зарари йўқ. Submit тугмаси қайта босилганда Э-DV тизими чалқашмайди, чунки тасдиқлаш хабари ҳали олинмаган. Аризачи тўлиқ ариза қабул қилиниб, тасдиқ хабари жўнатибгунча аризани қайта-қайта топширишга ҳаракат қилиши мумкин.

30. МЕН ТАНЛАНГАНИМ ҲАҚИДА ХАБАРНОМА ҲАҚИҚИЙЛИГИНИ ҚАНДАЙ БИЛИБ ОЛАМАН? ҚАНДАЙ ҚИЛИБ МЕН РОСТДАН ҲАМ DV ЛОТЕРЕЯСИДА ТАСОДИФИЙ ТАНЛОВ ЙУЛИ БИЛАН САРАЛАНГАНИМНИ ТАСДИКЛАТИШИМ МУМКИН?

Шахслар барча мувофиқ аризалар орасида Давлат Департаментининг Э-DV лотереяси компьютер дастури томонидан тасодифий танлов йули билан сараланган, уларга **электрон почтадан хабар БЕРИЛМАЙДИ**. Танланганлар 2008 йил май ва июль ойлари орасида ўз Э-DV аризаларида кўрсатилган манзилга фақат почта орқали хат билан хабардор этилади. Фақат саралаб олинган шахслар хабардор этилади. Танланмаган шахслар ҳеч қандай хабарнома ОЛИШМАЙДИ. АҚШ элчихоналари ва консулликлари виза жараёнини давом эттириш учун танланганлар рўйхатини бера ОЛИШМАЙДИ.

Кентукки Консуллик Маркази (ККМ) танланган шахсларга хабарномалар юборади. Мазкур хатларда визага ариза бериш жараёнига оид йўл-йўриқлар мавжуд бўлади. Йўриқномада танланган аризачилар барча иммиграция ва турли миллатларга мансуб иммигрантлар учун виза тўловларини фақат АҚШ элчихонаси ёки консулликда виза аризаси пайтида шахсан тўлашлари айтиб утилган. Консуллик ғазначиси ёки консуллик ходими дарҳол виза аризасига тўловни тасдиқловчи АҚШ Ҳукумати чиптасини беради. Ҳеч қачон DV тўловларини почта, Вестерн Юнион ёки бошқа етказиш хизматлари орқали жўнатманг.

Э-DV лотерея аризалари Интернетда, расмий АҚШ Ҳукумати Э-DV вебсайти www.dvlottery.state.gov да топширилади. ККМ сараланган катнашчиларга фақат хатлар юборади. ККМ, консулликлар ёки АҚШ Ҳукумати ҳеч қачон танланган шахсларни хабардор этиш учун электрон почта орқали хабарлар жўнатишмаган ва DV-2009 дастурида ҳам бу мақсадда электрон почтадан фойдаланиш режалари йўқ.

Давлат Департаментининг Визалар Хизмати жамоатчиликка фақат ".gov" белгисига эга вебсайтлар расмий ҳукумат сайтлари эканлиги тўғрисида хабар беради. Кўп бошқа нодавлат вебсайтлар (масалан, ".com" ёки ".org" ёки ".net" қўшимчаларидан фойдаланиб) иммиграция ва визага тааллуқли фойдали ва хақиқий ахборот ва хизматлар кўрсатишади. Нодавлат вебсайтлар маълумотлари мазмунидан қатъий назар Давлат Департаменти бошқа вебсайтларда берилган ахборот ёки материалларни тасдиқламайди, тавсия қилмайди ёки таъминламайди.

Баъзи вебсайтлар мижозлар ва жамоат аъзоларини чалғитиб, ўзларини расмий вебсайтлар деб кўрсатишга ҳаракат қилишади ва электрон почта орқали ўз таклифларига жалб қилиш учун сиз билан боғланишлари мумкин. Мазкур вебсайтларда сиздан Давлат Департаменти вебсайти ёки хориждаги Элчихоналарнинг консуллик бўлимларининг вебсайтларида текин берилувчи иммиграция тартиб-қоидалари ҳақида ахборот ва формалар учун тўлов ундиришга ҳаракат қилиниши мумкин. Қўшимча равишда, мазкур вебсайтларда сиз хақиқатда олмайдиган хизматлар, жумладан кўпинча турли миллатларга мансуб иммигрантлар учун ариза

ва виза туловлари талаб қилиниб, очиқчасига сизнинг пулингизни ўзлаштириш ҳаракатлари қилиниши мумкин. Сиз мазкур фирибгарликлардан бирортасига пулингизни жўнатишингиз билан уни қайтиб кўрмайсиз. Бундан ташқари, мазкур вебсайтларга бирор шахсий маълумотингизни жўнатишда эҳтиёт бўлинг, чунки бу шахсий ахборотингиз ўғирланиши ёки фирибгарликда фойдаланилиши мумкин.

31. МЕН ҚАНДАЙ ҚИЛИБ ИНТЕРНЕТДАГИ ФИРИБГАРЛИК ЁКИ РУХСАТ БЕРИЛМАГАН ЭЛЕКТРОН ПОЧТА ХАТЛАРИ ҲАКИДА ТЕГИШЛИ ХАБАР БЕРИШИМ МУМКИН?

Агар сиз Интернетдаги фирибгарлик ҳақида шикоят қилмоқчи бўлсангиз, илтимос, Федерал Савдо Комиссияси қошидаги econsumer.gov веб-сайтига мурожаат қилинг. Бу 17 давлатнинг истеъмолчилар ҳуқуқларини муҳофаза қилиш органларининг қўшма саъй-ҳаракатлари бўлиб, уни <http://www.econsumer.gov/english/> сайтида топасиз. Шунингдек, Федерал Қидирув Бюросининг (FBI) Интернетда [жиноятга қарши шикоят маркази ёки IC3](#) га мурожаат қилинг. Сўралмаган электрон хатлар устидан шикоят учун [Адлия Вазирлиги веб-сайтига](#) қаранг.

32. АГАР ШУ ДАСТУР БУЙИЧА ВИЗАНИ МУВАФФАҚИЯТЛИ ОЛСАМ, АКШ ДАВЛАТИ АВИАБИЛЕТЛАР СОТИБ ОЛИШДА, УЙ ЖОЙ ВА ИШ ТОПИШДА ЁРДАМ БЕРИБ ЕКИ ТУЛИК УРНАШИБ ОЛИШИМГА КАДАР МАБЛАГ БИЛАН ТАЪМИНЛАБ ТУРА ОЛАДИМИ?

Йук, DV визасини оладиган мурожаат килувчилар учун авиабилетлар, уй жой ва субсидия туловлари шаклида ҳеч қандай ёрдам курсатилмайди. DV визасига мурожаат этиш учун сараланган булсангиз, сизга виза берилишидан аввал, сиз АКШда давлат қарамогига тушиб колмаслигингизни исботлашингиз керак. Исботловчи маълумотлар уз мол-мулкингиз ҳақидаги маълумот, «Ёрдам Тасдиқномаси» формаси, АКШда яшовчи қариндошингиз ёки дустингиздан I-134 формаси ва/ёки Америкадаги иш берувчидан ишга тақлифномадан иборат булиши мумкин.

ХУДУДИДА ТУҒИЛГАН ШАХСЛАР DV-2009га МУВОФИҚ БЎЛГАН МАМЛАКАТЛАР МИНТАҚА БЎЙЛАБ

Қуйидаги рўйхатларда мазкур йилниг турли миллатларга мансуб иммигрантлар визалари дастурига ҳар бир жўғрофий минтақада ҳудудида туғилган шахслар DV-2009га мувофиқ бўлган мамлакатлар келтирилган. Ҳар бир минтақадаги мамлакатларнинг жойлашиши Давлат Департаментининг Географи таъминлаган ахборотга асосланган. Ҳудудида туғилган шахслар DV-2009 дастури учун номувофиқ бўлган мамлакатлар АҚШ Фуқаролик ва Иммиграция Хизмати (USCIS) томонидан Иммиграция ва фуқаролик ҳақида Қонуннинг 203(с) бўлимидаги формулага биноан аниқланади. Хориждаги қарам ҳудудлар ҳукмдор давлат минтақасига қўшилган. Ҳудудида туғилган шахслар мазкур турли миллатларга мансуб иммигрантлар дастурига мувофиқ БЎЛМАГАН мамлакатлар (чунки улар оилавий ва меҳнат сабабларига кўра иммигрантликнинг асосий манбаидир, ёки иммигрантлик кўрсаткичи юқори мамлакатлардир) тегишли минтақавий рўйхатлардан сўнг белгиланган.

АФРИКА

Жазоир	Малави
Ангола	Мали
Бенин	Мавритания
Ботсвана	Маврикий
Буркина Фасо	Марокаш
Бурунди	Мозамбик
Камерун	Намибия
Кабо Верде	Нигер
Марказий Африка Республикаси	Нигерия
Чад	Руанда
Комор ороллари	Сан Томе ва Принсипи
Конго	Сенегал
Конг Демократик Республикаси	Сейшел ороллари
Кот д'Ивуар	Сьерра Леоне
Жибути	Сомали
Миср	Жанубий Африка
Экваториал Гвинея	Судан
Эритрея	Свазиленд
Эфиопия	Танзания
Габон	Того
Гамбия	Тунис
Гана	Уганда
Гвинея	Замбия
Гвинея-Биссау	Зимбабве
Кения	
Лесото	
Либерия	
Ливия	
Мадагаскар	

ҲУДУДИДА ТУҒИЛГАН ШАХСЛАР DV-2009 УЧУН МУВОФИҚ ДАВЛАТЛАРНИНГ МИНТАҚАГА КЎРА РЎЙХАТИ

ОСИЁ

Афғонистон

Баҳрайн

Бангладеш

Бутан

Бруней

Бурма

Камбоджа

Шарқий Тимор

Сянган (Гонконг) Махсус

маъмурий округи

Индонезия

Эрон

Ироқ

Исроил

Япония

Иордания

Қувайт

Лаос

Ливан

Малайзия

Мальдив

Монголия

Непал

Шимолий Корея

Уммон

Қатар

Саудия Арабистони

Сингапур

Шри Ланка

Сурия

Тайвань

Таиланд

Бирлашган Араб Амирликлари

Яман

Қуйидаги Осиё давлатларида туғилган шахслар мазкур йилдаги Турли миллатларга мансуб иммигрантлар учун визалар дастурига мувофиқ эмас: Хитой (материк ичида туғилганлар), Ҳиндистон, Покистон, Жанубий Корея, Филиппин, ва Вьетнам. Гонгконг М.М.О. билан Тайвань **мувофиқ бўлиб**, юқорида санаб ўтилган. Макау М.М.О. ҳам мувофиқ бўлиб қуйида келтирилган.

ҲУДУДИДА ТУҒИЛГАН ШАХСЛАР DV-2009 УЧУН МУВОФИҚ ДАВЛАТЛАРНИНГ МИНТАҚАГА КЎРА РЎЙХАТИ

ЕВРОПА

Албания	Македония
Андорра	Мальта
Арманистон	Молдова
Австрия	Монако
Озарбайжон	Черногория
Беларусь	Нидерландия (унинг таркиби хориждаги қарам ҳудудлари)
Бельгия	Шимолий Ирландия
Босния ва Герцеговина	Норвегия
Болгария	Португалия (унинг таркиби ва хориждаги қарам ҳудудлари)
Хорватия	Руминия
Кипр	Сан Марино
Чехия Республикаси	Сербия
Дания (унинг таркиби ва хориждаги қарам ҳудудлари)	Словакия
Эстония	Словения
Финландия	Испания
Франция (унинг таркиби ва хориждаги қарам ҳудудлари)	Швеция
Грузия	Швейцария
Германия	Тожикистон
Греция	Туркия
Венгрия	Туркманитон
Исландия	Украина
Ирландия	Ўзбекистон
Италия	Ватикан шаҳри
Қозоғистон	
Қирғизистон	
Латвия	
Лихтенштейн	
Литва	
Люксембург	
Макау Махсус Бошқарув Минтақаси	

Қуйидаги Европа давлатлари ҳудудида туғилган шахслар мазкур йилдаги Турли миллатларга мансуб иммигрантлар учун Визалар дастурига мувофиқ **эмас**: Буюк Британия, Польша ва Россия. Буюк Британия (Бирлашган Қироллик) қуйидаги қарам ҳудудларни ўз ичига олади: Ангуилла, Бермуда, Британия Виржиния ороллари, Кайман ороллари, Фолькланд ороллари, Гибралтар, Монсеррат, Питкаирн, Муқаддас Елена, Турк ва Кайкос ороллари. Шуниси эътиборга моликки, Турли миллатларга мансуб иммигрантлар учун визалар дастурида, Шимолий Ирландияга ўзга ёндашув билан қаралди; Шимолий Ирландия **мувофиқ бўлиб**, мувофиқ давлатлар орасида келтирилди.

ҲУДУДИДА ТУҒИЛГАН ШАХСЛАР DV-2009 УЧУН МУВОФИҚ ДАВЛАТЛАРНИНГ МИНТАҚАГА КЎРА РЎЙХАТИ

ШИМОЛИЙ АМЕРИКА

Багама ороллари

Шимолий Америкада Канада ва Мексика ҳудудида туғилган шахслар бу йилги Турли миллатларга мансуб иммигрантлар учун визалар дастурида иштирок этишга **номувофиқдир**.

ОКЕАНИЯ

Австралия (унинг таркиби ва хориждаги қарам ҳудудлари)

Фижи

Кирибати

Маршалл ороллари

Микронезия, Науру

Федератив Штатлар

Янги Зеландия

Палау

Папуа Янги Гвинея

Соломон орллари

Тонга

Тувалу

Вануату

Самоа (унинг таркиби ва хориждаги қарам ҳудудлари)

ЖАНУБИЙ АМЕРИКА, МАРКАЗИЙ АМЕРИКА ВА КАРИБ ОРОЛЛАРИ

Антигуа ва Барбуда

Аргентина

Барбадос

Белиз

Боливия

Чили

Коста Рика

Куба

Доминика

Гренада

Гайана

Гондурас

Никарагуа

Панама

Парагвай

Сент Кристофер ва Невис

Сент Люсия

Сент Винсент ва Гренадинлар

Суринам

Тринидад ва Тобаго

Уругвай

Венесуэла

Минтақада мазкур йилдаги Турли миллатларга мансуб иммигрантлар учун визалар дастурига ҳудудида туғилган шахслар **номувофиқ** бўлган давлатлар: Бразилия, Колумбия, Доминикана Республикаси, Эквадор, Сальвадор, Гватемала, Гаити, Ямайка, Мексика ва Перу.